



Randi Vestergaard Evaldsen

**Namminiilivinnissaq aamma nunatta siunissami aningaasatigut  
inissisimalernissaa pillugit § 37 tunngavigalugu apeqquteqaammut normu 2017-  
148-mut akissuteqaat**

Inatsisartut suleriaasissaat tunngavigalugu namminiilivinnissaq aamma nunatta  
siunissami aningaasatigut inissisimalernissaa pillugu Naalakkersuisunut  
apeqquteqaateqarputit. Apeqquteqaatit uanga oqartussaaffinni sammisaqarfimmut  
akissuteqarfigeqqulluni innersuunneqarpoq.

**1. Naalakkersuisooqatigiit isumaqatigiissutaanni ersarissumik allaqqavoq  
Kalaallit Nunaat allangortinneqarsinnaanngitsumik namminiilivikkiartortoq.  
Oqaaseqatigiilli assut erfapput. Naalakkersuisut ersarinnerusumik  
oqaatigisinnaanerlugu, namminneq isumartik naapertorlugu namminiilivinnissaq  
qaqugu piviusunngortinneqarsinnaassanersoq?**

Akissuteqaat:

Naalakkersuisut isumaqarluinnarput maannakkorpiaq Nunatta siuariartornera  
unitsinneqarsinnaanngitsoq. Taamaattumillu aammattaaq uagut isumaqarpugut  
innuttaasut namminiilivinnissamut kissaataat ilumoortoq aamma ingerlaavartooq.  
Nunarput qularutigineqarsinnaanngitsumik namminiilivinnissap tungaanut ingerlavoq  
tamannalu pissusissamisoorpoq Nunatta nunasiaanerata 1953-imi unitsinneqarnerata,  
Namminersornerulerup 1979-imi eqqunneqarnerata aamma Namminersorneq pillugu  
inatsisip 2009-mi atuutilerenerata nassatarisaanit. Namminiilivinnermi aningaasaqarnikkut  
periarfissat taakku kisimik apeqqutaanngillat, kisianni aammattaaq kinaassuseqarneq,  
piginnaasanik pilersitsiartorneq aamma inuuniarnermi atugarisanik arlalinnik  
unaminartunik aqqiinissaq, taakku tamarmik apeqqutaapputaaq. Inuiaqatigiit  
aaqqissuunneqartussaapput taamaalillutik atortugut nunatsinni pissusiviusunut aamma  
kinaassutsitsinnut naleqqussarneqarneqassapput. Naggataatigut innuttaasut taakkuupput  
namminiilivinnerup qaqugu atuutilernissaanut aalajangiisussat.

**2. Maannakkut tunguineq taamatullu innuttaasunik kiffartuussineq  
namminiilivikkutta taamaaginnassappat, taava pisariaqarpoq inuiaqatigiit  
maannakkut aningaasarsiornerata ukiumut 5 milliarder koruuninik  
pitsanngoriartinneqarnissaa. Naalakkersuisut qanoq iliulersaarpat  
qularnaarniarlugu aningaasarsiornerup taama amerlatigisunik  
pitsanngoriartinnissaa?**

Brevdato: 06-06-2017  
Sags nr. 2017 - 11509  
Akt id. 5470718

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Akissuteqaat:

Naalackersuisut annertuumik aaqqissuusseqqinnermik aallartitsererput. Aallartitaq annertuumik sammivilik inuuniarnermi atugarisanut sammisuniit, aalisarnermut sammisunut, suliffeqarnermut sammisumik aamma ilinniartitaanermut sammisumut. Iliuutsit tamakkua sunniutaasa annertusiarortitsinissamut ilippanartunik killeqartitsineq piissavaat aamma inuttasut piginnaasaannik aamma suliassanik suliaqarnissaannut pisinnaanernik, Nunatsinni namminiilivissimasumi suliarineqartussanik ineriartortitsissapput. Naalackersuisut Napatitsinermit Siuariartornissamullu Pilersaarusiaq 2016-imi takutippaat siunertaqarluartumik aaqqissuuseqqinnikkut aamma aallartitsinikkut aningaasaqarneq imminnut napatissinnaasoq pilersinneqarsinnaasoq, tamanna aningaasaqarnermi periarfissiivoq tapiissutinik isumalluuteqarnermik annikillisisinnaasoq.

**3. Naalackersuisut piumassuseqarnerlutik tunguineri ajunngitsorsiasat ilanngartissallugit namminiilivinnissaq anguniarlugu Naalackersuisullu angissappata qinnuigissavakka tigussaasumik akeqqullugu, inuiaqatigiinni tunguineri suut sipaarniarfigineqassanersoq?**

Akissuteqaat:

Annertusiarortitsineq aamma atugarissaarneq namminiilivinnissatsinnut ingerlaarnitsinni nukittut ataatsimoortut isigineqassapput. Taamaattumik Naalackersuisut apeqqummi tunngaviutinneqartoq tassaasoq, atugarissaarneq aamma namminiilivinneq tunngaviumik imminnut assortuuttut, isumaqatiginngilaat.

**4. 2018-mut aningaasanut inatsisissaq eqqarsaatigalugu Naalackersuisut anguniarnerlugu oqimaaqatigiittoqarnissaa, akileraarutit ataatsimoortut - uani annermik eqqarsaatigaagut isertitanut akileraarutit - qaffannagit? Naalackersuisut akuersarlutik tassunga sikisaassappata taava Demokraatini paaserusupparput, qanoq iliorlutik Naalackersuisut qularnaarniarneraat aningaasartuutit isertitallu oqimaaqatigiinnissaat tassunga ilanngullugu aamma paaserusupparput aningaasartuuteqarfiit sorliit Naalackersuisut ilanngarteriffiginiarneraat?**

Akissuteqaat:

Inatsisissatut siunnersuummut 2018-imut piareersarnerni nalinginnaasumik ingerlasarnerit malinneqarput aamma Naalackersuisut augusti 2017-imi siunnersuutertik saqqummiutissavaat, tassani ilaassapput Naalackersuisut tulleriarinerat.

**5. Naalackersuisoqatigiinni partiip ataatsip eqqartortuarpaa inuiaqatigiinni assigiinngissuseq akiorneqassasoq, oqalunnerli siunnersuutit tigussaasunik malitseqartinneqarneq ajorpoq. Naalackersuisut qanoq iliorlutik TIGUSSAASUMIK akiorniarpaa inuiaqatigiinni assigiinngissuseq aamma tamatumunnga atatillugu suliniutit suut aallartinneqalersaarpat?**

Akissuteqaat:

Namminiilivinnissap tungaanut ingerlanermi Naalackersuisunut pingaaruteqarluinnarpoq uagut inuiaqatigiinnitsinni assigiinngissutsip annikillinissaa. Assigiinngissutsip unamminartui Aningaasaqarnikkut ingerlatsineq pillugu Nalunaarusiami 2017-imut nassuiaassutigineqarluarput, taannalu innersuussutigineqarpoq.

Naalackersuisut UKA2017-imi assigiinngitsunik atugassaqaartitaanerup annikillisarneqarnissaanut nalunaarusiamik saqqummiussiniarput, tamanna UPA2015/37-imik "Naalackersuisut pisussaaffilerneqassasut kingusinnerpaamik UKA 2017-imut nalunaarusiussasut, qanoq iliuuseqarluni aningaasaqarnikkut nikingassutsit annikillisarneqarlutillu piitsuussuseq annikillisarneqarsinnaanersoq aammalu ilumut piitsuussuseq pillugu killiliussaqaartoqarsinnaanersoq". (aappaaneerqarnermini allangortinneqartutut) malitseqartitsineruvoq.

Inussiarnersumik inuulluaqqusillunga

Aqqaluaq B. Egede